

## 光明覺品第九 (綱要性冠科，第二會，十信位) 葉蕊芬整理，2022

此品說十信之體性。世尊從兩足輪下放百億光明，照此三千大千世界百億闍浮提…(論：以光所照，覺悟信心，令修行故。修行者，一一隨光觀照十方已，能觀之心亦盡，即與法身同體，入十住切心。入信心者，一一隨此寶色燈雲光，觀內心及方所，總令心境無有內外中間，方可入方便三昧，入十住法門，若不作此寶色光明觀，不成一切普賢願海，神通道力，諸佛大用，皆悉不成。)

十重光	光照世界	文殊說十偈之義
1	此三千大千世界	菩提體性為空，菩提超情
2	娑婆世界之鄰次之十方刹	通顯菩提因果(因1果5令物思齊4)
3	光照十方百世界	顯佛八相菩提(標德充滿1，別廣調生9)
4	~~ 千 ~~	顯菩提體性 (雙具悲智為菩提體1， (三德內圓4，即體悲用5))
5	~~ 十千 ~~	明等菩提因行(大悲下救1，修智上攀業 (4，內照業1，等觀業1，大用業3))
6	~~ 百千 ~~	答佛威德問(名號品第七)，威德約身 (前5法身，後5智身)
7	~~ 百萬 ~~	答佛法性問，佛以功德為法性 共有以下四種佛德：(1. 總顯內外包攝德 (前5歎佛法難思，後5示入方便))
8	~~ 一億 ~~	答佛法性問，歎佛權實雙行， (2. 方便幹能德) (1 起用方便、2 寂照~、3 佛事理無礙~、 4 佛修無修~、5 迴向~、6 證智~)

		7 寂用~、8 時數~ 9 難思~ 10 無比~)
9	~~ 十億 ~~	答佛法性問， (3. 歎大悲救生德) (總標行海已圓而能普化 1 別顯化類不同 8，總結悲智周遍 1)
10	~~ 百、千…億 ~~ (光照十方)	答佛法性問， (4. 歎因果圓遍德) 總結無盡(示佛因果遍說 4，勸物順行 6 )

1 爾時，世尊從兩足輪下放百億光明，照此三千大千世界

(世尊兩足輪下放光，共十重光，這是第一重光，照此三千大千世界)

(現人中)

百億闍浮提、百億弗婆提、百億瞿耶尼、百億鬱單越、百億大海、百億輪圍山、

(現八相)

百億菩薩受生、百億菩薩出家、百億如來成正覺、百億如來轉法輪、百億如來入涅槃、

(現諸天)

百億須彌山王、百億四天王眾天、百億三十三天、百億夜摩天、百億兜率天、百億化樂天、百億他化自在天、百億梵眾天、百億光音天、百億遍淨天、百億廣果天、百億色究竟天；其中所有，悉皆明現。

(現本會普遍之相)

如此處，見佛世尊坐蓮華藏師子之座，十佛剎微塵數菩薩所共圍繞；其百億闍浮提中，百億如來亦如是坐。

(現本會新集眾=十方之「十首」菩薩)

悉以佛神力故，十方各有一大菩薩，一一各與十佛剎微塵數諸菩薩俱，來詣佛所。其名曰：

文殊師利菩薩、覺首菩薩、財首菩薩、寶首菩薩、功德首菩薩、

**目首**菩薩、**精進首**菩薩、**法首**菩薩、**智首**菩薩、**賢首**菩薩。

是諸菩薩所從來國，所謂：

金色世界、妙色世界、蓮華色世界、蒼葛華色世界、優鉢羅華色世界、金色世界、寶色世界、金剛色世界、玻璃色世界、平等色世界。

此諸菩薩各於佛所淨修梵行，所謂：

不動智佛、無礙智佛、解脫智佛、威儀智佛、明相智佛、究竟智佛、最勝智佛、自在智佛、梵智佛、觀察智佛。

(以下文殊說偈，通說菩提超情，別說則顯前光中所見之事，分2。)

2/1：約境，融前所照，顯「理法」故。

2/2：約觀，謂令大眾，泯絕諸見，於所照事，不生執取。)

共10偈，第一偈反顯違理之失，以下9偈是「順顯見理之益」)

(2~10偈「順顯見理之益」，皆前三句是「觀相」，末句是「觀益」)

(2~7偈是「觀佛」，第8偈「趣求」，第9「觀眾生」，第10「了法」)

爾時，一切處文殊師利菩薩，各於佛所，同時發聲，說此頌言：

(1 反顯違理之失)

若有見正覺，解脫離諸漏，不著一切世，彼非證道眼。

(2 正顯佛菩提性，本來自空)

若有知如來，體相無所有，修習得明瞭，此人疾作佛。

(3 佛菩提性，依正等觀)

能見此世界，其心不搖動，於佛身亦然，當成勝智者。

(4 佛、法等觀，了同體故)

若於佛及法，其心了平等，二念不現前，當踐難思位。

(5 生、佛等觀，身=眾生)

若見佛及身，平等而安住，無住無所入，當成難遇者。

(6 會通平等，主伴依正，不離五蘊，五蘊性空，即是平等)

色受無有數，想行識亦然，若能如是知，當作大牟尼。

(7 真出世者，超越出世)

世及出世見，一切皆超越，而能善知法，當成大光耀。

(8 趣求)

若於一切智，發生迴向心，見心無所生，當獲大名稱。

(9 觀眾生)

眾生無有生，亦復無有壞，若得如是智，當成無上道。

(10 了法)

一中解無量，無量中解一，了彼瓦生起，當成無所畏。」  
(第一重光，畢)

(以下是「第二重光，照十方各十佛土」，即娑婆鄰次之十刹)

2.爾時，光明過此世界，遍照東方十佛國土；南、西、北方，四維、上、下，亦復如是。彼一一世界中，皆有百億闍浮提，乃至百億色究竟天；其中所有，悉皆明現。如此處，見佛世尊坐蓮華藏師子之座，十佛剎微塵數菩薩所共圍繞；彼一一世界中，各有百億闍浮提、百億如來，亦如是坐。

悉以佛神力故，十方各有一大菩薩，一一各與十佛剎微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(文殊說偈，通顯菩提因果，因1果5令物思齊4)

(菩提之因，1)

眾生無智慧，愛刺所傷毒，為彼求菩提，諸佛法如是。

(菩提果用1，悲智雙滿)

普見於諸法，二邊皆捨離，道成永不退，轉此無等輪。

(菩提果用2，美行因行)

不可思議劫，精進修諸行，為度諸眾生，此是大仙力。

(菩提果用3，慈力降魔)

導師降眾魔，勇健無能勝，光中演妙義，慈悲故如是。

(菩提果用4，智斷致用)

以彼智慧心，破諸煩惱障，一念見一切，此是佛神力。

(菩提果用5，法鼓警機)

擊於正法鼓，覺寤十方剎，咸令向菩提，自在力能爾。

(令物思齊1，遊剎無著)

不壞無邊境，而遊諸億剎，於有無所著，彼自在如佛。

(令物思齊 2，念佛生喜)

諸佛如虛空， 究竟常清淨， 憶念生歡喜， 彼諸願具足。

(令物思齊 3，亡苦濟物)

一一地獄中， 經於無量劫， 為度眾生故， 而能忍是苦。

(令物思齊 4，護法輕身)

不惜於身命， 常護諸佛法， 無我心調柔， 能得如來道。

(第三重光，光照十方百世界，

(文殊說 10 偶，顯佛八相菩提：標德充滿 1，別廣調生 9)

3.爾時，光明過十世界，遍照東方百世界；南、西、北方，四維、上、下，

亦復如是。彼諸世界中，皆有百億闍浮提，乃至百億色究竟天；其中所有，悉皆明現。彼一一闍浮提中，悉見如來坐蓮華藏師子之座，十佛刹微塵數菩薩所共圍繞。悉以佛神力故，十方各有一大菩薩，一一各與十佛刹微塵數諸菩薩俱，來詣佛所。其大菩薩，謂：文殊師利等：所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(顯佛八相菩提：標德充滿 1，別廣調生 9，多機異處各感見，

而普眼機故，佛不分身，無思普現)

(標德充滿 1)

佛了法如幻， 通達無障礙， 心淨離眾著， 調伏諸群生。

(初生)

或有見初生， 妙色如金山， 住是最後身， 永作人中月。

(行七步時，顯其具德)

或見經行時， 具無量功德， 念慧皆善巧， 丈夫師子步。

(顧盼時觀方現笑)

或見紺青目， 觀察於十方， 有時現戲笑， 為順眾生欲。

(師子吼時，說我獨尊)

或見師子吼， 殊勝無比身， 示現最後生， 所說無非實。

(出家時，解縛修寂)

或有見出家， 解脫一切縛， 修治諸佛行， 常樂觀寂滅。

(坐道場時，障盡德圓)

或見坐道場， 覺知一切法， 到功德彼岸； 癡暗煩惱盡。

(轉法輪時，因悲度物)

或見勝丈夫， 具足大悲心， 轉於妙法輪， 度無量眾生。

(現神通時，調彼難調)

或見師子吼，威光最殊特，超一切世間，神通力無等。

(示入涅槃，不妨神用)

或見心寂靜，如世燈永滅，種種現神通，十力能如是。」

(第四重光，光照十方千世界，文殊說偈，

顯菩提體性：雙具悲智為菩提體1，三德內圓4，即體悲用5)

4.爾時，光明過百世界，遍照東方千世界；南、西、北方，四維、上、下，

亦復如是。彼一一世界中，皆有百億闍浮提，乃至百億色究竟天；其中所有，悉皆明現。彼一一闍浮提中，悉見如來坐蓮華藏師子之座，十佛剎微塵數菩薩所共圍遶。悉以佛神力故，十方各有一大菩薩，一一各與十佛剎微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(顯菩提體性：雙具悲智為菩提體1，三德內圓4，即體悲用5)

(智深悲濟)

佛於甚深法，通達無與等，眾生不能了，次第為開示。

(顯法身德，歎菩提永絕二我)

我性未曾有，我所亦空寂，云何諸如來，而得有其身。

(顯解脫般若德)

解脫明行者，無數無等倫，世間諸因量，求過不可得。

(歎佛超絕三科)(蘊界處)

佛非世間蘊，界處生死法，數法不能成，故號人師子。

(歎佛超離根境德)

其性本空寂，內外俱解脫，離一切妄念，無等法如是。

(不動普應德)

體性常不動，無我無來去，而能寤世間，無邊悉調伏。

(動寂無二德)

常樂觀寂滅，一相無有二，其心不增減，現無量神力。

(無染了機)

不作諸眾生，業報因緣行，而能了無礙，善逝法如是。

(度心平等)

種種諸眾生，流轉於十方，如來不分別，度脫無邊類。

(無生現生)

諸佛真金色，非有遍諸有，隨眾生心樂，為說寂滅法。」

(第五光照十千世界，明等菩提因行：

(大悲下救 1，修智上攀業 4，內照業 1，等觀業 1，大用業 3)

5 爾時，光明過千世界，遍照東方十千世界；南、西、北方，四維、上、下，亦復如是。彼一一世界中，皆有百億闍浮提，乃至百億色究竟天：其中所有，悉皆明現。彼一一闍浮提中，悉見如來坐蓮華藏師子之座，十佛剎微塵數菩薩所共圍遶。悉以佛神力故，十方各有一大菩薩，一一各與十佛剎微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(大悲下救 1，修智上攀業 4(信樂念學)，內照業 1，等觀業 1，大用業 3)

(大悲救業，不求自利)

發起大悲心， 救護諸眾生， 永出人天眾， 如是業應作。

(修智上攀業 1，常信不轉)

意常信樂佛， 其心不退轉， 親近諸如來， 如是業應作。

(修智上攀業 2，殷重修，志樂不退)

志樂佛功德， 其心永不退， 住於清涼慧， 如是業應作。

(修智上攀業 3，無間修念佛功德)

一切威儀中， 常念佛功德， 畫夜無暫斷， 如是業應作。

(修智上攀業 4，無餘修，常遍學故)

觀無邊三世， 學彼佛功德， 常無厭倦心， 如是業應作。

(內照業，觀身實相)

觀身如實相， 一切皆寂滅， 離我無我著， 如是業應作。

(等觀業，大悲同體)

等觀眾生心， 不起諸分別， 入於真實境， 如是業應作。

(大用業 1，神足通)

悉舉無邊界， 普飲一切海， 此神通智力， 如是業應作。

(大用業 2，法智通，知土)

思惟諸國土， 色與非色相， 一切悉能知， 如是業應作。

(大用業 3，智知通，融法性與色)

十方國土塵， 一塵為一佛， 悉能知其數， 如是業應作。」

(第六光照百千世界，答(名號品第七之)「佛威德」問，威德約身

(文殊 10 個答，前 5 法身，後 5 智身)

6 爾時，光明過十千世界，遍照東方百千世界；南、西、北方，四維、上、

下，亦復如是。彼一一世界中，皆有百億闍浮提，乃至百億色究竟天；其中所有，悉皆明現。彼一一闍浮提中，悉見如來坐蓮華藏師子之座，十佛剎微塵數菩薩所共圍遶。悉以佛神力故，十方各有一大菩薩，一一

各與十佛剎微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：  
(文殊10偈答，前5法身，後5智身)

(揀迷1)

若以威德色種族，而見人中調御師，是為病眼顛倒見，彼不能知最勝法。  
(示悟顯最勝法，色相無邊、深廣)

如來色形諸相等，一切世間莫能測，億那由劫共思量，色相威德轉無邊。  
(釋前無邊、深廣)

如來非以相為體，但是無相寂滅法，身相威儀悉具足，世間隨樂皆得見。  
(所證超情，以成前義)

佛法微妙難可量，一切言說莫能及，非是和合非不合，體性寂滅無諸相。  
(能證超絕，結歸佛身)

佛身無生超戲論，非是蘊聚差別法，得自在力決定見，所行無畏離言道。  
(智身1，知解脫智)

身心悉平等，內外皆解脫，永劫住正念，無著無所繫。  
(智身2，以寂照智利生)

意淨光明者，所行無染著，智眼靡不周，廣大利眾生。  
(智身3，以何利生，謂變化智自在)

一身為無量，無量復為一，了知諸世間，現形遍一切。  
(智身4，拂前分別之器亦無所有)

此身無所從，亦無所積聚，眾生分別故，見佛種種身。  
(智身5，依無所有見佛，結)

心分別世間，是心無所有，如來知此法，如是見佛身。」

(第7光照十方百萬世界，第7~10光，答(名號品第七之) 佛法性問，

(佛以功德為法性，共有以下四種佛德：

(1. 總顯內外包攝德 2. 方便幹能德 3. 歎大悲救生德 4. 歎因果圓遍德)

7 爾時，光明過百千世界，遍照東方百萬世界；南、西、北方，四維、上、下，亦復如是。彼一一世界中，皆有百億闍浮提，乃至百億色究竟天；其中所有，悉皆明現。彼一一闍浮提中，悉見如來坐蓮華藏師子之座，十佛剎微塵數菩薩所共圍繞。悉以佛神力故，十方各有一大菩薩，一一各與十佛剎微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(前 5 歎佛法難思，後 5 示入方便)

(所緣所智中，為礙智自在轉)

如來最自在， 超世無所依， 具一切功德， 度脫於諸有。

(所依清淨，煩惱習氣永無餘)

無染無所著， 無想無依止， 體性不可量， 見者咸稱歎。

(一切心清淨，一切善根皆積集)

光明遍清淨， 塵累悉蠲滌， 不動離二邊， 此是如來智。

(對機以辨中)

若有見如來， 身心離分別， 則於一切法， 永出諸疑滯。

(約法以顯，其能轉智，即十力智)

一切世間中， 處處轉法輪， 無性無所轉， 導師方便說。

(以下偈 5，示入方便。上所說法，不離教義，方便次第令入)

於法無疑惑， 永絕諸戲論， 不生分別心， 是念佛菩提。

(得旨隨教，名隨順)

了知差別法， 不著於言說， 無有一與多， 是名隨佛教。

(入佛功德，性相融通，入一即是入多)

多中無一性， 一亦無有多， 如是二俱捨， 普入佛功德。

(入佛菩提，依正皆寂，故無所依)

眾生及國土， 一切皆寂滅， 無依無分別， 能入佛菩提。

(知法義，依正兩殊，不可說一)

眾生及國土， 一異不可得， 如是善觀察， 名知佛法義。」

(第八重光，照一億界(千萬為億)。文殊 10 偈歎佛權實雙行方便幹能。)

(1 起用方便、2 寂照~、3 佛事理無礙~、4 佛修無修~、5 迴向~、)

(6 證智~ 7 寂用~、8 時數~ 9 難思~ 10 無比~)

8 爾時，光明過百萬世界，遍照東方一億世界；南、西、北方，四維、

上、下，亦復如是。彼一一世界中，皆有百億闍浮提，乃至百億色究竟天；其中所有，悉皆明現。彼一一闍浮提中，各見如來坐蓮華藏師子之座，十佛剎微塵數菩薩所共圍繞。悉以佛神力故，十方各有一大菩薩，一一各與十佛剎微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(即體起用為方便)

智慧無等法無邊，超諸有海到彼岸，壽量光明悉無比，此功德者方便力。

(歎寂照方便)

所有佛法皆明瞭，常觀三世無厭倦，雖緣境界不分別，此難思者方便力。

(歎佛事理無礙方便)

樂觀眾生無生想，普見諸趣無趣想，恆住禪寂不繫心，此無礙慧方便力。

(歎佛修無修方便)

善巧通達一切法，正念勤修涅槃道，樂於解脫離不平，此寂滅人方便力。

(歎迴向方便)

有能勸向佛菩提，趣如法界一切智，善化眾生入於諦，此住佛心方便力。

(歎證知方便)

佛所說法皆隨入，廣大智慧無所礙，一切處行悉已臻，此自在修方便力。

(歎寂用方便)

恆住涅槃如虛空，隨心化現靡不周，此依無相而為相，到難到者方便力。

(時數方便)

晝夜日月及年劫，世界始終成壞相，如是憶念悉了知，此時數智方便力。

(歎難思方便)

一切眾生有生滅，色與非色想非想，所有名字悉了知，此住難思方便力。

(無比方便)

過去現在未來世，所有言說皆能了，而知三世悉平等，此無比解方便力。

(第九重光耀十億界，歎大悲救生德)

9 爾時，光明過一億世界，遍照東方十億世界；南、西、北方，四維、上、下，亦復如是。彼一一世界中，皆有百億闍浮提，乃至百億色究竟天；其中所有，悉皆明現。彼一一闍浮提中，悉見如來坐蓮華藏師子之座，十佛刹微塵數菩薩所共圍繞。悉以佛神力故，十方各有一大菩薩，一一各與十佛刹微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(總標行海已圓，而能普化)

廣大苦行皆修習，日夜精勤無厭怠，已度難度師子吼，普化眾生是其行。

(初化痴愛眾生)

眾生流轉愛慾海，無明網覆大憂迫，至仁勇猛悉斷除，誓亦當然是其行。

(二度著欲眾生)

世間放逸著五欲，不實分別受眾苦，奉行佛教常攝心，誓度於斯是其行。

(三救著我眾生)

眾生著我入生死，求其邊際不可得，普事如來獲妙法，為彼宣說是其行。

(四救惡趣眾生)

眾生無怙病所纏，常淪惡趣起三毒，大火猛焰恆燒熱，淨心度彼是其行。

(五救邪見眾生)

眾生迷惑失正道，常行邪徑入闇宅，為彼大然正法燈，永作照明是其行。

(六救著有眾生)

眾生漂溺諸有海，憂難無涯不可處，為彼興造大法船，皆令得度是其行。

(七救無明眾生)

眾生無知不見本，迷惑癡狂險難中，佛哀愍彼建法橋，正念令昇是其行。

(八救險道眾生)

見諸眾生在險道，老病死苦常逼迫，修諸方便無限量，誓當悉度是其行。

(總結)

聞法信解無疑惑，了性空寂不驚怖，隨形六道遍十方，普教群迷是其行。

(第十重光光照十方，總結無盡，10頌明因果圓遍德。)

10爾時，光明過十億世界，遍照東方百億世界、千億世界、百千億世界、

那由他億世界、百那由他億世界、千那由他億世界、百千那由他億世界，如是無數無量、無邊無等、不可數、不可稱、不可思、不可量、不可說，盡法界、虛空界、所有世界；南、西、北方，四維、上、下，亦復如是。彼一世界中，皆有百億閻浮提，乃至百億色究竟天；其中所有，悉皆明現。彼一閻浮提中，悉見如來坐蓮華藏師子之座，十佛刹微塵數菩薩所共圍遶。悉以佛神力故，十方各有一大菩薩，一一各與十佛刹微塵數諸菩薩俱，來詣佛所。其大菩薩，謂：文殊師利等；所從來國，謂：金色世界等；本所事佛，謂：不動智如來等。

爾時，一切處文殊師利菩薩，各於佛所，同時發聲，說此頌言：

(因圓果滿，彰有因說)

一念普觀無量劫，無去無來亦無住，如是了知三世事，超諸方便成十力。

(大用外彰，說法周遍)

十方無比善名稱，永離諸難常歡喜，普詣一切國土中，廣為宣揚如是法。

(對因辨果，遍因)

為利眾生供養佛，如其意獲相似果，於一切法悉順知，遍十方中現神力。

(對因辨果，深因，故能速證)

從初供佛意柔忍，入深禪定觀法性，普勸眾生發道心，以此速成無上果。

(求法行)

十方求法情無異，為修功德令滿足，有無二相悉滅除，此人於佛為真見。

(說法行)

普往十方諸國土，廣說妙法興義利，住於實際不動搖，此人功德同於佛。

(聽法行)

如來所轉妙法輪，一切皆是菩提分，若能聞已悟法性，如是之人常見佛。

(正明破相行)

不見十力空如幻，雖見非見如盲睹，分別取相不見佛，畢竟離著乃能見

(轉釋破相行)

眾生隨業種種別，十方內外難盡見，佛身無礙遍十方，不可盡見亦如是。  
譬如空中無量刹，無來無去遍十方，生成滅壞無所依，佛遍虛空亦如是。

(光明覺品第九，畢)